

工部則列



工部則例

虞衡清吏司

採捕

一採捕定額。



國初定。王以下。公以上。許遣壯丁。於烏喇地方。採捕東珠。貂鼠。人參等物。効力勤勞大臣。許遣壯丁。採取人參。○順治二年定。烏喇捕牲。每壯丁。歲徵貂皮十有五張。○四年題準。上好東珠。重八分者。每一分。折貂皮十張。重七分五釐。及七分者。每一分。折貂皮九張。重六分五釐。及六分

者。每一分。折貂皮八張。自五分五釐。以至一分。每一分。折貂皮五張。每五釐。折二張半。照數計算。重五釐東珠。折貂皮二張。珍珠一分。折貂皮一張。不足半分小東珠。皆算作珍珠。此外黯色有帶東珠。酌量折算。捨獬豸頭號。每張。折貂皮六張。二號。折貂皮五張。三號。折貂皮四張。四號。折貂皮三張。水獺皮。頭號。每張。折貂皮三張。二號。折貂皮二張半。三號。折貂皮二張。四號。折貂皮一張半。五號。折貂皮一張。末等。每二張。折貂皮一張。豹皮。頭號。每張。折貂皮五張。二號。折貂皮

四張。三號。折貂皮三張。虎皮。頭號。每張。折貂皮四張。二號。折貂皮三張。三號。折貂皮二張。四號。折貂皮一張。狐皮。每張。折貂皮二張。狼皮。頭號。每張。折貂皮三張。二號。折貂皮二張。末等。折貂皮一張。貉皮。每二張。折貂皮一張。小毛貂皮。每二張。折貂皮一張。豺皮。每張。折貂皮一張。上好灰鼠皮。每二十張。折貂皮一張。小毛灰鼠皮。每二十五張。折貂皮一張。虎斑鷓鴣翎。芝蔴鷓鴣翎。每副。折貂皮二張。鸛翎。團鷓鴣翎。每副。折貂皮一張。皮。翎。損傷者。不許解送。每年。捕牲壯丁。夏季停

止一月。每名除貂皮二張。冬季停止一月。每名除貂皮三張。○又議準。東珠重八分以上。至一錢。每一分。皆折貂皮十張。○五年定。停止大臣採參。○七年定。停止宗室公。採捕東珠。貂鼠等物。○十年議準。每壯丁十名。內令五名耕種。其五名。歲增貂皮五張。共徵二十張。○康熙五年定。烏喇捕牲壯丁。兼捕鯉魚。○八年題準。虎皮。不準折算貂皮。折賞布疋。○十年議準。每旗。選壯丁十九名。於冬夏二季。專捕鯉魚。免捕貂鼠。其捕牲人役。在家病故者。準計日扣除貂皮。○

十二年議準。次號東珠。及兩面有光。中間有帶東珠。三分折算二分。或一面二面微有光。東珠二分折算一分。無光東珠。三分折算一分。○三十一年議準。豹。虎。狐。貉。灰鼠。等皮。及鵬。鸛。翎。停其捕送。上好狼皮。別議給賞。○二十九年議準。上三旗。每採捕丁十名。置珠軒頭目一名。每月給銀二兩。採捕壯丁各一兩。嗣後將五旗採捕東珠。貂皮。鱖。鯉。魚。壯丁。給發錢糧。設立珠軒頭目之處。皆著照上三旗例行。○四十年議準。烏喇捕牲壯丁。連幫丁。每一名。額取貂皮二十張。

為數過多。又因二等有光無光東珠。折算貂皮。以致議處。嗣後停止折算。除無光東珠。及珍珠。珠丁。不入正額外。珠軒頭目三十三名。即定為三十三珠軒。每名額定一等二等。有光東珠十六顆。○又議準。開採參山。創取人參。交內務府辦理。○雍正八年議準。烏蘇里。綏分。等處參山。招商給票開採。每票一張。交納官參十二兩。開採二年。停止一年。其停止之年。在額爾敏。哈爾敏。地方開採。○十一年。奉

旨。河中蚌蛤。較前稀少。其所取頭等東珠。酌量作何準

抵尋常東珠之處。會議具奏。欽此。遵

旨議準。嗣後將捕牲烏喇採捕東珠之內。除無光東珠。

珍珠。珠丁。不入正額外。其上三旗。四十二珠軒。

下五旗。三十四珠軒。所採東珠。頭等者。每顆準

抵尋常東珠五顆。二等者。每顆準抵尋常東珠

四顆。三等者。每顆準抵尋常東珠三顆。四等者。

每顆準抵尋常東珠二顆。其尋常東珠。每顆仍

以一顆計算。○乾隆九年議準。烏蘇里。綏分。等

處。放票收參。改歸官辦。或開二年。停止一年。或

連創三年。歇山一年。皆令

盛京將軍船廠將軍寧古塔副都統會同商酌具
奏辦理○十五年議準烏喇地方捕牲壯丁採
取人參有名無實多將所得人參竊與官領信
票之人帶出肥己以致闕欠參數嗣後將採蜂
窠戶三百名停其採參專令採捕東珠但珠丁
每人歲給錢糧六兩此三百名皆係欠參獲罪
之人自不便與捕珠壯丁一體給與錢糧應令
効力贖罪定為三旗分十二珠軒將伊等所得
東珠別載冊籍如果所得之珠在頭等者多再
令該將軍奏請賞給錢糧

一採捕賞罰順治十年議準烏喇捕牲翼長按
壯丁計算額外多貂皮六十張賞銀三錢三十
張賞銀一錢五分不及三十張不賞額內欠三
十張至六十張責一鞭不及三十張免責領催
按壯丁計算額外多貂皮二十張賞銀三錢多
十張賞銀一錢五分不及十張不賞額內欠十
張至二十張責一鞭不及十張免責賞罰皆按
數遞加計算○康熙元年定壯丁額外多交貂
皮一張賞毛青布一疋闕額者每一張責三鞭
○二年議準烏喇捕牲總管以八旗共得貂皮

按丁計算。額外多百張。賞銀三錢。額內少百張。罰俸銀三錢。翼長。分管四旗壯丁。如額外多得貂皮六十張。賞銀三錢。額內少六十張。罰俸銀三錢。○二十九年議準。嗣後

內廷驗看東珠多寡。如上三旗。所得數多。總管翼長等。應行賞給。許將五旗所採數少之處。合算免其處分。如上三旗。所得不在賞例。工部將八旗合算。應賞亦著賞給。如不足額。仍行議處。○又定。索倫等歲貢貂皮。每壯丁。應納貂皮一張。內一等貂皮五百張。二等一千張。其餘均作為

三等收納。如足數。及等第者。將送來人賞賜。不及等第者。送來與未來之人。一并交理藩院議處。○三十九年議準。貂皮足數。不及等第者。免其處分。若數目不足者。仍行處分。○四十年議準。烏喇捕牲壯丁。每名。額採東珠十六顆。如於額外多一顆。賞給採珠人丁。毛青布二疋。少一顆。責十鞭。其珠軒頭目三十三名。將所得合算如額。無賞無罰。額外多得三十顆。為一分。賞給總管翼長。彭段各一疋。驍騎校。潞紬一疋。領催等。各按旗分內。多得一分。各賞毛青布四疋。如

再多得。按分加賞。額數外。多得至千顆。總管翼長等。加一級。驍騎校。及領催等。按分賞給。其額內少十顆爲一分。將總管翼長。驍騎校等。各罰俸一月。領催等。各按旗分內。少一分。責十鞭。再少。照算罰責。總管翼長。驍騎校等。至罰俸一年。降一級。領催等。至百鞭爲止。其上三旗。應賞彭段。紬布。由部行文內務府。照例賞給。下五旗。應行賞給之處。行文五旗各王。貝勒。貝子等。自行照例賞給。○乾隆六年。奉

旨。向例索倫地方。所貢貂皮。及等者。有賞。不及等者。

無賞。因連年所貢貂皮。不及等者。照常賞賜。是以索倫等。並不用心捕捉。著傳諭該將軍。今年仍加恩賞賜。嗣後所貢貂皮。若仍不及等。則不賞賜。○

十七年。奉

旨。今年索倫所進貂皮。雖不及等第。但既已足數。著減半賞給。○又覆準。蜜戶三百名。十二珠軒。捕得東珠。頭等者多。應一體賞給。六兩錢糧。○十八年。題準。蜜戶三旗。十二珠軒。附於上三旗。四十二珠軒內。一并定議賞罰。

一採捕禁令。

國初定採參之人。越己界採取者。以偷盜論。參還原主。越境偷採者。參與人畜。皆入官。其主罰責有差。不知情者。免擬。為首之人。鞭一百。餘皆準竊盜論。參入官。○順治六年題準。王。貝勒。貝子。公等。採取官參。各照分定人數發往。違例差遣者。革去一切賞賚。止給與見獲人參。差去之人入官。其屬下人。不奉差遣。私遣人偷採者。本犯入官。其主。治以重罪。○十五年議準。旗下人。偷採人參者。枷一月。鞭一百。牲畜及所得之參。一并入官。其官民家下人。有犯。其主知情者。本犯。

枷一月。鞭一百。參與人畜皆入官。其主問偷盜之罪。不知情者。免。本犯枷兩月。鞭一百。牲畜財物入官。若其主知情。詐稱不知者。加等治罪。家人入官。奉天等處人民有犯者。枷一月。責四十板。人畜財物入官。蒙古席伯。瓜兒察等處人有犯者。交理藩院議處。○十六年議準。順天等八府人民。出山海關禁約處所。偷採人參者。照奉天例。交戶部入官。○康熙二年題準。違禁採參者。為首之人處死。餘仍照前治罪。○五年題準。偷採人參之鋪頭。擬絞監候。出財招集多人偷

採者。照爲首例處死。牲畜等物。一并入官。○六年議準。民人附從偷採人參者。責二十板。其容留貿易。不拏送者。加等治罪。○七年題準。舊例。每年四月。八月。官役巡踪防緝。今令於春秋二季。預行巡緝。○又題準。偷採人參之人。未經起發。拏獲者。出財之主。并爲首之人。各枷一月。鞭一百。爲從。係旗人。鞭一百。係民。責四十板。馬。牛。布疋。等物入官。○八年題準。偷採人參。出財之主。并爲首之人。已得參者。照例擬死。未得參者。係旗人。枷兩月。鞭一百。係民。枷一月。責四十板。

入官。爲從之人。各枷一月。係旗人。鞭一百。係民。責四十板。餘照前例。○九年議準。奉天等處招徠之民。偷採人參。爲從者。照旗人例。雖已得參。免其入官。枷兩月。責四十板。○十一年題準。

駐劄

盛京官員。拏獲偷參之人。得財私放者。革職。交刑部治罪。若偷參之人。同屯居住。知而不首者。降一級。罰俸六月。其採捕人役。將採捕之物。隱藏私帶者。頭領。及翼長。守山海關官員。罰俸一月。○十二年議準。奴僕偷採人參。其主知情者。杖

八十。詐供不知者。杖一百。○十五年議準。旗下民人。越境採參。已得者。將出財之主。并爲首之人。皆擬絞監候。聞掣投部。不準自首。爲從。係旗人。枷一月。鞭一百。係奉天等處人。枷兩月。責四十板。牲畜等物入官。係內地民人。并妻入官。奴僕偷採人參。其主知情者。係官。交該部議處。旗人。鞭八十。民。責三十板。偷採之人。枷一月。鞭一百。人與牲畜均入官。若其主知情。詐稱不知者。係旗人。鞭一百。民。責四十板。不知情不坐。本犯枷兩月。鞭一百。牲畜等物入官。若未得參者。出

財之主。并爲首之人。係旗人。枷兩月。鞭一百。係民。不分奉天內地。皆枷一月。責四十板。同妻一并入官。餘皆照前例。○十七年議準。偷採人參。爲從者。不分旗人。民人。皆枷兩月。○又議準。偷採人參。已得者。出財之主。爲首之人。擬斬監候。爲從。係旗人。枷三月。鞭一百。牲畜等物入官。係民。不論奉天內地。均枷三月。責四十板。妻子。牲畜等物入官。奴僕偷採人參。其主知情者。係官。草職旗人。枷兩月。鞭一百。民。枷兩月。責四十板。不知情不坐。本犯枷三月。旗人。鞭一百。民。責四

十板。未得參者。出財之主。并爲首之人。係旗人。枷三月。鞭一百。係民。不分奉天內地。皆枷三月。責四十板。妻子一并入官。爲從之人。枷兩月。旗人。鞭一百。民。責四十板。其借稱採取官參。多帶人數。在界外偷採者。爲首之人。照例處死。其餘照爲從例治罪。若採取蜂蜜。松子之人。在自己界內山上。偷採人參者。率去之領催。頭目。各枷兩月。鞭一百。餘各枷一月。鞭一百。人參入官。至

盛京所屬看墳。及居住之人。有偷採人參者。將縱

放之屯領催。枷號一月。鞭一百。失察者。鞭一百。各旗佐領下人。有偷採人參者。將縱放之佐領。驍騎校。草職。領催。草退。枷一月。鞭一百。失察者。佐領。驍騎校。罰俸一年。領催。鞭一百。府屬佐領下人。有偷採人參者。將縱放之府屬佐領。驍騎校。領催。皆照旗下例處分。無品級管領。領催。各枷一月。鞭一百。失察者。將領催。鞭一百。府屬管領。鞭八十。民人有偷採人參者。將縱放之百家長。責四十板。十家長。枷一月。責四十板。失察者。十家長。責四十板。百家長。責三十板。外藩王。公

主等所屬之人。有偷採人參者。文理藩院議處。凡掣獲偷採人參。皆交戶部變價。一半入官。一半給賞掣獲之人。其巡察官兵。見踪不追。狗情縱放者。官草職。領催。草退。枷一月。鞭一百。驍騎。鞭一百。門尉。筆帖式。皆草職。枷一月。鞭一百。其山海關等邊門。不加盤察。縱放偷帶人參入關者。直日守尉。都司。驍騎。校等。均草職。領催。草退。枷一月。鞭一百。驍騎。鞭一百。其私買參。賣參者。各枷一月。鞭一百。○十九年議準。凡違禁偷採人參。仍照康熙十五年定例。治罪。為從之人。各

枷兩月。係旗人。鞭一百。係民。責四十板。其邊外居住。山海衛所屬兵民。及

盛京。直隸。山東。沿海處所。有偷載人參貿易者。照

偷採人參例。治罪。○二十年題準。山海衛所屬

城堡兵民。偷採人參者。亦照康熙十五年定例。

治罪。○又題準。寧古塔烏喇人。在禁河內。採捕

哈喇。及採蜂蜜。水獺。人。偷採東珠者。照偷採人

參例。為首者。擬絞監候。為從者。枷兩月。鞭一百。

○二十一年議準。凡採取官參之人。各給印票。係上三旗人。用戶部。及內務府印信。下五旗人。

用。戶部印信。該管主。編號給票。以便稽察。如無信票。私自行走。或有信票。越界行走。并不照票內定數。多帶人畜者。巡察官兵。即拏送部治罪。狗情縱放者。官員。革職。領催。枷一月。鞭一百。驍騎。鞭一百。若得財縱放。及將人參隱匿入己。不全送官者。官。革職。兵丁串通者。一并交刑部。計贓照律治罪。有能出首者。財物一半給賞。一半給官。官員一年內。拏獲百名以上者。紀錄一次。二百名以上者。紀錄二次。三百名以上者。紀錄三次。四百名以上者。準加一級。多者。按數議叙。

拏獲馬匹。一半入官。一半給賞。拏獲之人。人參。盡行入官。如誣告無辜之人。官。革職。兵丁。枷兩月。鞭一百。如拏獲之人。捏情控告。審虛者。照誣告重律治罪。若毀壞。

盛京鳳凰城等處邊關。私自出入。官員。領催。兵丁。守關門。門尉。筆帖式。不察拏。及通同受賄者。照巡察官兵例。治罪。○二十三年議準。凡民人在口外居住者。不論有無產業。悉令移進口內。如有違禁在村莊潛住。及避居山谷中捕牲者。令屯領催。村莊頭。拏交守口官。轉解刑部治罪。其

喜峯口。古北口外。附近地方。有別處人來捕牲。或在山谷中搭窩鋪捕牲者。交管驛官長人等。察等。呼搭哈山谷中。有指稱淘金。聚集匪人者。交與鷹手。并喀爾沁王。察等。波羅城。附近村莊。有匪人潛住者。交與巴林。翁牛特之各主驅逐。不聽驅逐者。亦行拘等。此等等獲之人。均交送守口官。轉解刑部。從重治罪。如守口官推諉。遲延日期。所等之人。竟解刑部。將守口官。從重議處。至

內府走山之人。并鷹手。及採取木料之人。悉照捕

牲人例。皆令於戶部起票。伐樹燒炭之人。令於工部起票。其口外有地之人。雇覓內地人民種地者。亦令向戶部起票。方許出口。若口外無票行走之人。令所在地方察等。八旗口外居住莊頭人等。到別旗村口捕牲。或在山谷中搭窩鋪捕牲。所在之人。不行察等。或被旁人出首。或被巡察人等等獲。將失察之人。交守口官。一并解送刑部。從重治罪。莊頭。草去。交其主更換。如不更換。一并治罪。其屯領催。莊頭。及驛站頭領。人役。將應察等之人不等。或互相推諉。不與協等

者。事發。皆聽刑部。從重治罪。若將無票之人。巴林。翁牛特之莊頭等。隱匿不逐。又不察拏。被人首發者。莊頭。交理藩院治罪。雅圖溝。黑山。度山。流河口。波羅城。等處地方。有在彼處存住。窩藏無票匪人者。均交附近居民察拏。若有詐稱伐樹燒炭。起票轉賣。及匪人私買假票。潛藏居住。并違禁放鳥槍行走者。均從重治罪。○二十五
年定。偷創人參之人。著提解來京。審擬具奏。○
二十八年定。偷創人參之人。其馬匹帳房等物。
著給與拏獲兵丁。○三十三年定。偷創人參之

人。事發。將所出邊口防守官員。一并治罪。○四
十年議準。創參之人。拏獲後。如有將無干人讐
報者。不論旗民。皆枷責。仍照為從例。分別發遣。

○雍正二年議準。山海關等關口。除搜獲參鬚
參末。細小歪斜珠子。及分兩無多者。無庸給賞
外。如有搜獲人參。至二十斤。珠子。至四兩者。該
管官。紀錄一次。巡察人等。共賞銀二十兩。搜獲
人參。至四十斤。珠子。至八兩者。該管官。紀錄二
次。巡察人等。共賞銀四十兩。搜獲人參。至六十
斤。珠子。至十二兩者。該管官。紀錄三次。巡察人

等。共賞銀六十兩。搜獲人參。至八十斤。珠子。至十六兩者。該管官。加一級。巡察人等。共賞銀八十兩。再有多獲者。照數遞加賞給。由戶部給發。至東珠。有大小不等。有光無光之分。難以縣定。如有拏獲者。臨時酌量給賞。倘搜查不力。致私帶人參。珠子。至闕者。該管官。照失察律。降三級調用。巡察人等。照不應重律。杖八十。明知故縱者。該管官。革職。巡察人等。杖一百。枷一月。受賄賣放者。計贓以枉法論。從重治罪。其巡察踪跡官員。兵丁。應行賞給治罪之處。仍照舊例行。

又定。偷採人參。出財之主。并為首之人。其一人所放之人。至百名以上。所收之參。至五百兩以上者。仍照舊例。擬絞監候。人。不滿百名。參。不滿五百兩者。出財之主。并為首之人。枷三月。鞭一百。為從之人。枷兩月。鞭一百。或一二人。剖參。所得。不至十兩者。交與

盛京刑部。旗人。鞭一百。係民。責四十板。遞回原籍。○九年。奏準。偷採人參。財主。及為首之人。所放人。至百名以上。所收參。至五百兩以上者。仍照例。擬絞監候。人。不滿百名。參。不滿五百兩者。杖

一百。流三千里。○乾隆三年議準。偷創人參。人
不滿百名。參不滿五百兩者。首犯。既經減流。爲
從。應再減一等。杖一百。徒三年。旗人。及奉天民。
照例枷責發落。仍分別刺字。牲畜等物。給拏獲
人充賞。人參入官。奴僕有犯。其主。知而遣去者。
杖八十。知而詐供不知者。杖一百。係官。交部議
處。不知者不坐。若未得參者。財主。及爲首之人。
係旗人。枷兩月。鞭一百。係

盛京。及內地民人。皆枷一月。杖一百。并參。送戶部
入官。爲從。枷一月。杖一百。若一二人創參。所得

不至十兩。交與

盛京刑部。係旗人。鞭一百。係民。杖一百。仍照例刺
字。如一二人創參。未得者。減二等。旗人。鞭八十。
民。杖八十。均遞回原籍。免刺。○又奏準。拏獲販
參之犯。所販參。至五百兩以上者。擬流。不滿五
百兩者。擬徒。不滿十兩者。杖九十。均免刺字。○
七年議準。旗人。度越禁約處所。偷採人參。所放
人。自一二名至十名。所收參。自一二兩至十兩。
杖六十。徒一年。人以十名遞加。參以五十兩遞
加。分別擬以徒流。人加至八十名。參加至三百

五十兩以上。仍擬滿流。其並無財主鋪頭。一時
烏合。各出資本。參係自得者。人自十名。至三十
名。參自十兩。至不滿百兩。為首。比財主鋪頭。各
減一等。人至三十名以上。參至百兩以上。為首
照財主鋪頭定擬。為從。各減一等。未得參。各減
二等。均免刺。仍分別旗民。照例枷責發落。外省
流民。無論人數參數。已得未得。均照例遞回原
籍。倘有人多參少。參多人少者。各從其少者治
罪。○九年議準。額爾敏。哈爾敏地方。產參甚少。
刨夫人等。偷越封禁山林。有關

長白山風水。不便開採。令嚴行封禁。○十四年議準。
領票刨參人夫。例給烏槍。應察明人數多寡。批
給烏槍。填明票上。出口驗放。回山稽察。違例私
帶者。照商民應用烏槍。不報官私造例。杖一百。
其將烏槍轉給售賣偷刨之人。比照軍人將軍
器私賣與人。發邊遠充軍律。減一等。杖一百。徒
三年。該管官不能察出。交部議處。

